

«Nus» – part II

DA CARIN CADUFF

«Tgei scrivas?», less il camerier saver.

Perplexa tschaffa ella si'egliada. Ses eglis ein stgirs e ses augarings tonschan tochen la schanuglia – empau empaglia vesa el ora, mo si'egliada ei caulda e va tras pial ed ossa.

«Forsa digl'esser carstgaun, da siemis e desideris e forsa era in tec dall'amur.»

El surri lev, porta ina gervosa ed envida ina cigaretta.

«Neve Ti has fatg ils dessegn che pendan cheu – ils comics d'horreur? Els fan intec tema a mi...»

Hm... Vul raquintar a mi intec da Tei? Tgi eis ti?», damonda Giulia.

«Maneigas miu num? Ni daco che nus essan cheu uss, ti ed jeu?»

Giulia mira sin ses mauns.

Lu entscheiva el da raquintar.

«Sas, jeu erel in buob bletsch – in fegl. Miu bab capeva pauc dall'amur. El era pir ch' in cloz da glatsch. El udeva buca mei. Sias ureglias mavan buc a prau cun mia bucca. Mo lu hai jeu entschiet a dessignar. Ed adina cu jeu vevel ventschiu miu dessegn, termettevel ei ad el per posta. Jeu tertgavel che jeu sappi forsa tuttina aunc luentar quei cloz en siu intern – revegliar siu cor sin quella via. Jeu level contonscher el e buc esser aspectatur passiv pli.»

El fruscha ses cavels e raquenta vina- von.

«Ti sas metter avon ei sco sche ti ves- ses buca dents pli. Ed ei morda. Daper- tut e daditg. Mo sas, jeu vai buca dents. Buca dents da morder anavos. Jeu vai piars els. Pians els tuts ina notg d'unviern. Ina notg d'unviern – cu la glina steva ault & la maglia era scarta. Suenten ver getg quei quescha el. El quescha gitg.»

«Ha el muort tut era fatg dil bien a ti?» El studegia e si'egliada sestgirenta.



«Jeu capeschel, stun mal,» gi Giulia en in tun migeivel.

«Certs demunis duessen ins buca cu- dizzar pli. Quei temps ei passé.»

«La realitad ei per part propi in sac da miarda. Jeu fuivel magari en miu mund da siemis. Empau kitschig forsa, mo ei gida. Da tgei siemias, sche ti siemias?», less el- la saver.

«Semiau? El fa ina liunga pausa, siara ils eglis – studegia. Jeu vai semiau ch'jeu mavel sin in senda satella, grad aschi la- da sco mes peis. In clutger tucava da gis, mes peis eran bluts e miu sacados vits. Il tschiel era maneivels ed jeu sun sestendi- us e vai empruau da tucar igl azur infi- nit. Zaco sesentivel libers, bandunaus, mo tuttina da casa. Has ti in da casa?», damonda el bunamein in tec frech.

Ella tschappa la gervosa e prenda in ta- fer schluc. «Dacasa, patria...? Dacasa sas esser dapertut, mo la patria ei in liug ma-

gic. Mia patria ei... jeu descrivess ei sco flurs da glatsch.»

Els miran in sin l'auter, queschan e ves- san.

«Igl ei temps da serrar, pardon», inter- rumpa els Giles, il chef dalla bar.

Els prendan lur mantials e bandunan la spunta.

«Vul aunc vegnir cun mei in toc? Igl ei ina bellezza notg, memia giuvna per schar ir ella. Sas Giulia, la notg enzuglia tut en siu vel e cura che las steilas semuossan al firmament, lu ei tut pli misterius ed au- ter. Igl ei sco in betsch nocturn. Lu en- tscheiva il pelegrinadi dallas olmas, il sturnezi dils senns, sch'ins less gir aschia.»

El pren ella pil maun e meina ella per streglias nunenconuscentas.

Els surrian e sesentan sco dus affons che han gest scuvretg in scazi. In misteriu- us, in discus, enzatgei che s'auda sulet ad els.

Ina nova fatscha tier la GiuRu

DA FLAVIA HOBI


■ Dapi la davosa radunonza generala ha la Giuventetgna Romontscha in niev commember en suprastonza. Swen Gaberthüel ei dall'annada 1993 e stat a Lucerna, nua ch'el ei era carschius si. El studegia parzialmein economia da menaschi alla scol'aula da Lucerna el bachelor e surpren gleiti ina nova plaz- za sco assistent dil fatg d'ina direcziun da fatschent. Vegnius attents silla GiuRu eis el tras facebook.

Ragischs tuatschinas

Tat e Tatta da Swen ein carschi si sisum la Surselva, vul dir en Val Tujetsch. Den- ton gia culla naschientscha dalla mum- ma da Swen han els bandunau ensemen la val paterna. Swen ei buca carschius si cun romontsch, pli tard ha el empriu empau tuatschin, siu lungatg matern. Egl engaschi ella GiuRu vesa el novas pusseivladads da far diever da quel e practicar il risdar.

Perquei rispunda el silla damonda su- enter la raschun per siu engaschi pil ro- montsch ch'il romontsch seigi cultura – e la cultura seigi impurtonta per ina so- cietad. «Nus havein ina quadrilinguitad en Svizra ch'ei vala dispert da mantener. Romontsch ei in dils pli vegls lungatgs e mo gia il fatg ch'el vegn aunc plidau fa el per mei aunc pli interessants. Plinavon vesel jeu ei sco duer da saver dar e viver vinavon il lungatg e la cultura da miu tat e mia tatta aschi bein sco ei va – era giu la Bassa.»

Sco el vesa siu futur ni quel dil lungatg sa el buc. Swen planisescha buca diesch onns ordavon. «Nus duessen viver il mu- ment. Jeu sun aviarts pertuccont quei che spetga mei. Il temps cuora adina pli viv en ina spertezia. Finamiras a cuorta ves-



Swen Gaberthüel.

MAD

ta ein denton impurtontas, quellas met- tel jeu regularmein a memez.»

Swen suna tuba en ina musica da tscheiver a Lucerna e s'engascha politica- mein cun organiser occurrenz per ina secziun giuvna d'ina partida. En siu temps liber va el bugen en sortida ni fa sport – viagiari s'auda era tier in da ses ho- bis. El gauda denton era dis libers culla mira da semplamein inagada saver far nuot e durmir ora. Nus selegrein che Swen fa part dalla suprastonza dalla Giu- Ru e silla collaboraziun cun el sco niev cassier. «Engraziell Swen, quei engaschi vala ben biè.»

Massa lönch single?

DA ALINA MÜLLER

No problem! La soluziun es in vicinanza. Bun, forsa nun es quai uossa la surpraisa dal tschientiner cha las schanzas per cu- manzar üna relaziun sun tendenzial- maing plü grondas schi's es dastrusch ad inchün, co sch'el viva da l'otra vart dal muond e vus nu vaivat amo mai discor- rü insembel (ma eir lura daja natural- maing la pussibilitad da's gnir a cugnuo- scher e s'inamurar, sainza dubi). Tü est forsa romantic e pensast chi detta precis ün uman chi'd es fat per tai e chi gnia be che chi vögla, plü bod o plü tard as in- scuntraivat. Destin halt. Eu nu di chi nu saja uschè, ma minchatant as stoja tour quella roba sves in man. E quai as saja sequaintamaing:

1. Tscherscha üna flomma

Cun la dumonda co ch'el o ella vess dad esser nu't possa probabel güdar. Forsa füssa bun da verer ch'el haja ün bun car- acter, cha la persuna saja eir amo single, haja gugent giats, haja ün bun gust da büschmainta o che eir adüna.

Ma a regard la dumonda ingio ch'el stuvess viver at duna ün bun cussagl: ideal füssa scha la persuna giavüschada stess in tia vicinanza. Ün stüdi ha nempe muossà cha congualà cun la quantità da partenaris potenzials chi dess süin tuot il muond ans tscherchaina fich suvent in- chün chi viva illa listessa cità. L'on 1932 ha chattà oura James Bossard cha 80% dals pèrins chi sun maridats derivan tuots duos da listessa cità. Bun, i's sto eir ad- metter cha dal 1932 d'eira quel temp sul- vadi sainza Tinder, Badoo, Lovoo e co. Forsa s'ha quai müdà ün pa ils ultims ons ed il radius per chattar novs partenaris s'ha ingrondi.

Apropos: scha tü est ün fan dad apps da dating, lura stuvessast resguardar a re-

guard tia fotografia süin teis profil il segu- aint: sco hom verer da far üna fotografia da tai ingio cha tü nu riasi, nu guardast directamaing illa camera e schi'd es pus- sibel füssa ideal scha tü tegnast süin bratsch üna bes-cha (fora ün härzig gi- attin?). Scha tü est üna duonna para da funcziunar il meglder scha tü guardast aint per la camera e muossast teis decol- të. Quai nun haja s'inclegia testà svesa. Na, mai fat da quella roba! Quai ha mu- ossà ün stüdi scientific. Dating online para implü eir dad esser plü lucrativ per homosexuals chi tscherchan üna ferma relaziun co per heterosexuals. In ün stü- di chi'd es gnü fat in America e chi ha du-

mandà a pèrins chi s'han impris a cu- gnuoscher tanter il 2007 ed il 2008, s'ha- ja muossà cha quai es capità pro 70% da las relaziuns homosexualas online. Pro'ls pèrins heterosexuals d'eiran percenter be 22% chi s'han impris a cugnuoscher on- line. Voul dir, schi's less esser razional, scha tü est homosexual: piglia oura teis telefonin. Scha na: bütta davent tuot ils s-chierps electronics e va oura i'l muond e tschercha là üna persuna adattada.

2. Guarda dad esser suvent a la zoppada in sia vicinanza

Retscherchas psicologicas han muossà: plü suvent cha nu vezzain o dud in alch e

plü gugent cha nu vain quai. Quel feno- men as muossa pro melodias, fuormas geometricas, vistas e probabel eir pro tai e tia grond'amur. Il meglder es, cha a la persuna nu's sto gnanc'esser conscianta sch'ella t'ha fingià vis suvent, i basta scha quai capita i'l suotconsciain. Moreland e Beach han fat ün stüdi davart quel feno- men. Els han fat ün stüdi cun quatter duonnas chi guardaivan oura sco studen- tas. Dad üna hana be fat üna fotografia, las otras sun tschantadas obain tschinch, desch o quindesch jadas in üna preleczi- un da psicologia. La fin dal semester han Moreland e Beach muossà als oters stu- dents da quella prelecziun, chi nu vaivan

dat bada activmaing a las duonnas, foto- grafias da las quatter e tils dumandats quant attractivas ch'els tillas chattan. Quella chi'd es statta quindesch jadas a la prelecziun es gnüda valütada sco la plü at- tractiva da tuottas, quella chi nu d'eira mai ad üna prelecziun da psicologia hana valütà sco la plü pac attractiva.

Voul dir: prouva da laschar cruchar vossas vias uschè suvent sco pussibel e voilà: el o ella at chatta güsta plü attrac- tiva.

3. Far müdada ill'abitaziun daspera

Nun haja amo funcziunà cun vo duos? Lura esa temp per la masüra dad ultimo ratio: tü stoust gnir seis vaschin respectiv sia vaschina, i'l meglder vast a star güst in l'abitaziun daspera, quai ha il plü grond effet. Leon Festinger ha chattà oura cha aint in üna chasa da students es la schan- za da gnir amis dubla uschè gronda schi's vivaiva porta a porta sco schi's viva a duos portas da distanza. E dad ün'amicizcha esa be plü amo ün pitschen pass fin ch'el- la o el bada cha tü est sia grond'amur, ne- vaira?

4. Restar suletta e cuntainta, tada!

Cun tour in consideraziun tuot quel temp, tuot quellas fadias e resursas fi- nanzialas ed energeticas cha tü vessast da far per s-chaffir quella vicinanza fisica as vegna sainza dubi a la conclusiun: i nu vala la paina. Fa alch ch'it fa plaschair! Va in viadi! Gioda tia libertà! Plü bod o plü tard chattarast mr. o mrs. right (eir sch'el o ella viva cun üna schanza dad 80% in tia cità). E scha na: retscherchas muossan cha glieud chi nu d'eira mai maridada as sainta main suletta co glieud chi'd es di- vorziada. Guot, glieud chid es amo ma- ridada as sainta il plü pac suletta, ma quai es in quist lö propi be ün pitschen detagl, o brich?

